



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**M. Ioannis Mensingi Theologi de Ecclesiæ Christi  
sacerdotio, Libri duo**

**Mensing, Johannes**

**[Coloniae], 1532**

**VD16 M 4656**

Epistola Iohannis Host A Romberch Kyrspen[is] panegyrica, de origine, institutione, dignitate, & officio sacerdotum Christian[a]e religio[n]is, ad amussim o[mn]ia expendens.

**urn:nbn:de:hbz:466:1-30281**



# EPISTOLA

IOHANNIS HOST A ROM

berch Kyrspen, panegyrica, de origine, institutione, dignitate, & officio sacerdotum Christiane religionis, ad amussim oia expendens.

REVERENDISSIMO IN CHRISTO patri & domino dño Thomæ Campegio episcopo feltrensi, Abbati beatæ Mariæ de Coratio, Inclytæ Ciuitatis Bononiæ Archidiacono & magno Cancellario, ac sanctissimi domini nostri Papæ Referendario, &c. Iohannes Hosta Romberch Kyrspen. Salutem & perpetuâ felicitatē.

**M**Vnus apostolicæ gratiæ binum, seu idem bis, largifluxæ tuæ manus consignatione, Præsul dignissime, olim Romæ, nunc vero rursus Colonie receptum, haud immerito animum reddidit mihi anxium cogitandi, in quo potissimum pro tantis beneficijs, uel modicâ tibi saltem ostendero gratitudinem. Quod ubi tacitus mecum repeto meditorq; in mentem subijt, literatis morem esse, ut sese mutuo chartaceis honorent munusculis: quod a religiosis, qui paupertatem professi opibus careant, a sum iri nemo mali consulat unq;. Hinc multa fiducia ratus sum neq; dulcissimo germano tuo, Laurentio Campegio



gio, S. Rom. eccle. Cardinali, per Germaniam, &c  
Legato apostolico, neq; tibi Thomæ Campegio  
episcopo Feltren. &c. s. d. n. Papæ Referendario,  
ingratum fore: si quid lucubrationum mearum,  
hinc nostras cum C. M. Carolo quinto tanq;  
Romanorum imperatore semper Augusto uisitā  
tibus, ueluti Homagiū quoddam præstaturus, ob  
tulero. Quid enim uobis uiris apostolicis et quidē  
talibus uiris, qui instar Pauli, ueluti stercora oēs  
mundi diuitias spernitis, ut Christum lucrifacia-  
tis, gratius esse poterit literario munere: quando  
quidem omnis generis scientias cum pietate am-  
bo iunxistis: et itā quidem iunxistis, ut ambigi pos-  
sit: quid horum in utroq; uestrum præstet: et omni-  
bus perspicuum sit, nihil alterius horum in uobis  
desiderari. Et nihilominus salubria probatorum  
iuxta et eruditorum orthodoxe fidei authorum do-  
cumenta q̄ maxime uobis probentur. Id quod in  
pridiano nostro colloquio coram Reuerendis pa-  
tribus et D. D. Georgio episcopo Lubusano et Io-  
hāne fabri episcopo wiennensi electo, uiris unde  
quaq; ut doctissimis, ita uirtutum fulgore ornatif-  
simis, dominis meis gratiosis et patronis satis de-  
clarasti. Nempe qui catalogum ex me præstolaba-  
re, eorum operum, quæ uel nouiter hic excusa fue-  
rint, uel sub prælo maderent: quo cōmodius ipsis  
bibliothecam illam tuam alioqui omnis generis  
authorum libris refertissimam, et proinde sup̄ au-  
rum et topazium preciosissimam, amplius exorna-  
res. Quum itaq; suppellectilem meam scrutarer,  
morem Reuerendę paternitatis tuę petitionibus  
gesturus: en casu in manum incidit epistola pane-  
gyrica, quam ante annum, de sacrosancto Noui  
testamenti

testamenti



testamenti sacerdotio cuidam amicum sacris ordi-  
nibus initiari optanti scripseram: differens de ori-  
gine, institutione, dignitate, & officio, sacerdo-  
tum nostræ Christianæ religionis: & quanta hūc  
apicem digne possessuro necessaria sit uitæ san-  
ctimonia simul atq; sana eruditio. Quam nuper  
priuatim uni amico scriptam, putauit nunc quoq;  
in communem frugem referri posse, modo tua ac-  
cesserit authoritas. Quæ tanta est, ut me Hercle  
nihil metuerem laboribus meis a caninis dēribus,  
quando tu candidissimus sacerdotum antistes, p̄-  
baueris sententiam meam de hoc sacro presbyte-  
rorum ordine: Quis enim calumniari ausit illud  
cuius se tantus episcopus omniphariam doctissi-  
mus uirum tutelarem præbuerit: Nec reor in præ-  
sentiarum hosce labores ulli potius consecrandos  
q̄ tibi, inclytæ Ciuitatis Bononiæ Archidiacono  
& magno Cancellario: ut tantæ Academiæ  
uniuersalium studiorum matris antesignanus, ex  
me, quem olim in sacris literis enutriuit, fructum  
(si quis præstari possit) accipias. Et nihil diffido,  
quin boni consules hoc licet exiguum munusculū,  
in nō prospecto tempore repertum, prope diē gra-  
uiora præstolaturus. Quod si acerrimo tuo iudicio  
censueris commodo fore pijs lectoribus, cura ut  
communicetur. Alioqui delitescat sub pulueri-  
bus. Vale ex edibus prædicatorum in Colonia die  
Iouis. xij. mensis Ianuarij. Anno post incar-  
natā sobolem diuinam millesimo quin-  
gentesimo & trigesimo primo.

F. Ioh.